

Txirritola

ARAMAIO / Barikua / 2005eko irailaren 30a / 165. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Zabola-Untzillako errepide-zatia konpontzeko lehen pausoa

UBANE MADERA

Hirigintza gaiak nagusi izan dira oraingo hilabeteari dagokion bilkuran. Tartean, Untzilla eta Zabola auzoen arteko errepide zatia konpontzeko lanak esleitzeko plegua aztertu zuten. Ez dugu hartutako erabakien berri, albistea idaztean, batzarra bukatu barik zen-eta.

Batek baino gehiago gustura hartuko du jakitea Untzilla eta Zabola arteko errepide zatia konpontzen laster hasiko direla. Laster hasiko dira ezen eguazteneko batzarrean lan horiek esleitzeko baldintzen plegua aztertu baitzuten; eta ezustekorik ezean, plegua onartu eta obra horiek esleitzeko deia egingo du laster Udalak. Hain zuzen ere, iragarkia Arabako Buletinean argitaratu eta 26 eguneko epea dute enpresek proposamenak aurkezteko; Udalak larrialdiko prozeduraz tramitatu nahi du-eta gai hori.

Asko jota 87.250,56 euroko aurrekontua izango dute lanek. Diputazioak onartu du behin-behinerako 42.350,34 euroko laguntza ematea, betiere, behin betiko aurrekontuak zehaztuko du Diputazioak emango duen laguntzaren kopuru definitiboan.

EGUZKIERRIPAKO GASIFIKAZIOA

Horrekin batera, Eguzkierripa auzoa ere berbera izan zuten osoko bilkuran. Kasu horretan, Eguzkierripako gasifikazio proiektua onartzea proposatu zioten udalbatzarrari, eta ahalmena ematea Mertxe Mondragon alkateari Repsol enpresarekin gai horren gaineko hitzarmena sinatzeko.

Obra horien harira, jakinarazi digute Udalaren asmoa dela lehenbailehen hastea lanean.

Eta Hirigintza Saileko kontuekin amaitzeko, Aramaion zenbait obra egiteko Plan Foralari dirulaguntza eskatzea ere aztertzekotan ziren zinegotziak.

ZERGA BERRI BAT: PLUSBALIOA

Horrez gainera, bestelakoen artean, ekonomia kontuekin ere aztertu zituzten zinegotziek. Hain justu ere, araudi berri bat onartu dute, behin betirako. Plusbalioarekin edo gainbalioarekin lotutako araudia da, norberaren jabetzari ezartzen zaion plusbalioaren



87.000 euro inbertituko dute Zabola eta Untzillaren arteko bidea konpontzen.

Plusbalioa leku guztietan kobratzen dute gaur egun, Aramaioko Udalean izan ezik

gainekoa, hain zuzen ere: "Lur horren jabetza edozein tituluz eskualdatzen bada edo horien gainean jabetza mugatzen duen edozein gozate-eskubide erreal eratzten edo eskualdatzen bada" kobratuko dute zerga hori. Kontua da plusbalioa leku guztietan kobratzen dutela gaur egun, Aramaioko Udalean izan ezik. Eta orain, erabaki dute Aramaion ere zerga hori kobratzen hastea. Hala, eguazteneko batzarrean proposatu zuten behin betiko onartzea araudi hori. Hain zuzen ere, jakinarazi digute behin-behinekonek onspena eman eta gero, legeak ezarritako bidea jarraitu eta jendaurrean izan dutela araudi hori, alegaziorik balego haiek hartzeko. Orain, alegaziorik izan ez denez, eta ezustekorik ezean,

Burokrazia arazoen eraginda, oraindik ez dute kobratu Ondasun Higiezinaren Gaineko zerga

behin betiko onartu dute araudi hori osoko bilkuran.

ONDASUN HIGIEZINEN GAINEKO ZERGA

Bestalde, ekonomia kontuekin jarraituz, Ondasun Higiezinaren Gaineko zerga ere berbera izan zuten batzarrean. Kontua da burokrasia arazoen eraginda, Udalak oraindik ez duela kobratu Ondasun Higiezinaren Gaineko Zerga. Hain justu ere, eguazteneko batzarrean jakinarazi zuten data zehaztu barik dagoen arren, urtea bukatu baino lehen kobratuko dutela zerga hori.

Edozelan ere, eta lehen esandako moduan, albiste hau idaztean oraindik batzarra egin barik zegoen, beraz ez dugu jakiterik zein erabaki hartu dituzten zinegotziek.

HERRITARREN HITZA / Kepa Lizarralde Zalgo • Langilea

¡¡A la puta calle!!

Lenengo eta behin, barkatu idatzi hau hain modu zatarrien hastiegatik, erderaz. Harire: setienbrie be juen da, bakaziñuetako bizimodu diferentie (askoz hobia) atzien itxi eta normalidadera bueltetako hilebetie: langilliek fabrika eta ofiziñetara, futbolistak disgusto eta pozak emutera, politikuek diskusiñuetara... eta irakasliek, umiek eta gaztiek eskolara.

Eta normalidadera buelta honetan, lan egonkorra galdu euen irakasliek be ekin die barrero, politto-politto, zatatie ataraten. Urte hasieran ekin zien protestan lanetik kalera bota biher zittuela esanaz Euskerien examina aprobau ez euelako. Bañe hori baño askoz be sakonau da asuntue: Euskeraz ez ekixen irakasle horreik 1998xen jakin euen euskeraz ikesi eta 1. Hizkuntza Eskakizuna titulue atara bihera eukiela (bañe ez pentsau, titulo hori atarateko nehikue da lau berba jakittie).

Pentsaizue, 6-7 urte lau berba ikesteko. Hori gutxi ez eta bi urteko liberaziñue hartu euen askok (bi urte lana ein barik eta iguel-iguel kobraute). Atara kontuek, 2 urte, lan egun bakotzeko 8 ordu lau berba horreik ikesteko eta hala ta be ezebez, ezta berba erdi be

euskeraz! Bañe kontue ez da hori bakarrik, zorionez askok eta askok bai lortu daue euskeraz ikestie (beraz, demostrau daue hainbeste samurtasunekin ikesi leikela), gutxiengo batzuk bakarrik izen die titulue ataratie gure izen ez dauenak eta hala ta be, kriston jaleue armau eta burruke politiko baten bihurtu daue hau asunto danau. Eta ojo!, ez daue inor kalera bota, eukien lan egonkorra galdu daue, bañe beste milleka eta milleka irakasle moduen jarraitu ahal izengo daue sustutuziñuek eitten, beraz, klasiek emuten.

Irakasle honekin zer ein dezidirutie neure esku baneuko, umil-umil bañe argi eta garbi hauxe esango neuskie: zergak ordainketan dittugunoi adarra jo duskuzuelako; Euskerien alde hainbeste lan ein dauenei eta eitten dabitzenei barre ein dutzezelako; bizkaitar,

gipuzkoar eta arabarrok ordezkatzien gaittuen Eusko Jaurlaritzan konture bizi izen zarielako; Euskerie zuen (edo zueen manipuladorien) interes politikuetarako ebali dozuela-ko, eta batez be euskeldunoi eta Euskerie errespetue faltau izen dutzezelako, ¡¡A la puta calle!!



"Euskerie errespetue faltau izen dutzezelako"

LABUR

Sute txikia gertatu zen zapatu goizean Barajuengo Torralde inguruan

Lekukoek kontatu digutenez, zapatu goizean piztu zen sua, Torralde inguruko zelai batean. Itxura denez, baserritar bat narrak garbitzen zebilen, suaren bitartez; baina halako batean, kontrolatu ezindako sua piztu zitzaion eta zelaira zabaldu zitzaion. Halakoe-tan ohi denez, berehala azaldu ziren auzotarrak sua emendatzen laguntzera, auzoan egoten diren palekin-eta. Hala eta guztiz ere, suhiltzaileei ere deitu egin zieten. Eta ordubete-edo den-dena emendatzea lortu zuten; gero, suhiltzaileak apurtxo batean gertatu ziren, guztia bustitzen. "Zelaiaren ondoan dagoen pinudiaren ertzeraino iritsi zen sutea, baina ez zen barrura sartu, eskerrak".

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Berka	945 44 50 03
Udaletxea	945 44 50 16
Erzaizta (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kirodegia	945 44 53 35
Postetxea	945 44 50 83
Zuiako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23


OHARRAK

BASERRITARRENDAKO OHARRAK

Jakinarazi digutenez, Deba Garaia elkarteak traktore-gidariak eta traktorea dutenak behar ditu, baserriko hainbat lan egiteko. Interesa dutenek Deba Garaia elkartera jo beharko dute urriaren 21a baino lehen. Bergaratik Antzuolara dagoen errepide zahararen ondoan dago Deba Garaia elkartea, justu errepidea mozten den lekua baino apurtxo bat lehenago. Bestalde, nekazaritza kontuekin jarraituz, gogoan izan bihar, zapatua, bukatzen dela azpiegitura lanekin lotutako dirulaguntzak eskatzeko epea. Ustiapenak hobetzeko laguntzei dagokienez, berriz, azaroaren 1era arteko epea dago eskaerak egiteko. Gertuen dagoen Eskualdeko Nekazaritza Bulegora jo beharra dago eskaerak aurkezteko.

TESTULIBURUAK EROSTEO

Gogoan izan urriaren 14an bukatuko dela testuliburuak erosteko dirulaguntzak eskatzeko epea. HHko, LHko eta DBHko ikasleendako laguntzak dira. Diputazioan eskatu behar dira.



ZUIAKO KOADRILA

Irudiotako argazkiak irabazi zuen iazko argazki lehiaketa.

'Zuiako Koadrilari begirada bat' lehiaketa

U.M.

Hirugarren urtez antolatu du argazki lehiaketa Zuiako Koadrilak. Zuiako koadrilarekin zerikusia duten argazkiak (ingurumen naturala, soziala, artistikoa...) aurkez daitezke.

Hori bai, Zuiako Koadrila osatzen duten udalerrietan hartutako argazkiak bakarrik onartuko dituzte, alegia, Aramaion, Arrazua-Ubarrundian, Legutioan, Urkabustaizen, Zigoitian eta Zuian egindakoak.

Interesa duten guztiek parte har dezakete lehiaketan. Baina kontuan hartu beharko dute asko jota hiru argazki aurkeztu ahal izango dituela lehiakide bakoitzak, eta gainera lehenago argitaratu bariakoak eta beste lehiaketaren batean saritu bariakoak izan beharko dute obrek.

Horrez gainera, argazki bakoitzari izenburu bat ipini beharko zaio, argazkiaren koka-

pen geografikoa azaldu beharko da eta baita zein udalerritakoa den ere.

Bestalde, aurkeztu diren argazkiak pertsonaren lehen-planok baldin badira, argazkian agertzen den pertsona horren baimen espresoa aurkeztu beharko dute argazkiarekin batera.

DOMEKAN, DANTZAK

Datari dagokionez, azaroaren 4a baino lehen aurkeztu behar dira argazkiak. Hauxe da helbidea: Zuiako Koadrila, Udaletxe-ko plaza, 1-2. ezkerre; 01130, Murgia (Araba). Astelehenetik bariakura 08.30etik 14.30ak arte eraman daitezke edo bestela ziurtatutako posta bidez bidali.

Sariei dagokienez, 400 euro gehi buztingintzako pieza emango dizkiote lehenengoari; 300 euro eta pieza, bigarrenari eta 200 euro eta pieza, hirugarrenari.

Informazio gehiago behar izanez gero, deitu: 945 43 01 67 telefonora.

KZguneak antolatu du urrirako eskaintza

U.M.

KZguneko tutoreak jakinarazi digunez, hilabete berriari begira, datorren astelehenean, urriaren 3an eta urriaren 17an zabalduko du KZgunea, 16:00etatik 20:00etara. Mintegi bi ere antolatu ditu. Edozeinek parte har dezake.

Urriaren 3ari dagokionez, *Jarraitu gustuko duzun kirola* mintegia landuko du. "Internet bidez horren gustuko duzun kirol horren inguruko informazio ugari lor daiteke" eta hori egiten

erakutsiko du Aitor Madrid tutoreak asteleheneko mintegian. 16:00etatik 17:00ak artekoak izango da eta edozeinek parte har dezake. KZgunera joatearekin nahikoa da hori egiteko.

Bestalde, urriaren 17an, *Komunikatu posta elektronikoa*ren bidez mintegia egingo dute. Kasu horretan, posta helbidea zela erabili erakutsiko dute, Outlook Express programaren gaineko argibideak emango dituzte, besteak beste. 18:00etatik 20:00ak arteko ikastaroa izango da. Hemen ere interesa duen edozeinek parte har dezake.

Errekan 1.500 kilo zabor batu zituzten asteburuan

U.M.

50 bat lagun elkartu ziren joan den asteburuan erreka-garbiketa egiteko. Antolatzaileak oso pozik daude emaitza horrekin. Baina halaber, jakinarazi digute hutsunea sumatu dutela adin jakin bateko gazteen artean. Hain zuzen ere, 12 urte inguruko gazte gutxiagik parte hartu zuela esan digute.

Umeak eta gurasoak, guztiak ibili ziren erreka zaborra batzen domekan. Eta Orixol Mendi Elkartekoek kontatu digutenez, gainera, guztiak ere gustura asko ibili ziren saltsa-maltsan.

Hori bai, lana ere egin zuten; izan ere denon artean 1.500 kilo

zabor batu zituzten. Denetik batu ere: plastikoak, kaxak, txapak eta oin-zatar (etxeko ate aurreko afonbratxoak) bat ere bai, bestelakoan artean. Guztia txukun-txukun prestatu eta astelehenean eraman zuen zaborraren kamioiak.

Era berean, ondo ibiltzeaz gainera, antolatzaileek kontatu digute erreka garbi zaindu behar dela umeei erakusteko sentsibilizazio bide egokia direla halako ekimenak. Horrexegatik, hain justu ere, nabarmendu nahi izan dute parte hartze handia izan arren, bereziki, ume txikiak ibili zirela lanean; eta lehen esandako moduan, 12 urteko gazteen artean, adibidez, oso gutxi parte hartu zutela erreka garbiketan.



JUDITH ARRIOLABENGOA

Ondo asko arakatu zuten erreka, bazter guztietako zikinkeria batzeko.

Mañukorta eta 'Peña' Untzillako jaietara datoz

U.M.

Txandaka-txandaka, herriko auzoak badabilta jaiak ospatzen. Oraingo honetan, Untzillako jaiak hasi direla. Gero, 21:00etan, elkarteko bazkideek eta auzotarrek afaria egingo dute. Afaloste polita izango dute, gainera, Angel Mari Peñagarikano eta Gregorio Mañukorta bertso-lariak lagunduta. Afarira joan nahi duenak bazkide bati esan beharko dio, izena emateko.

Urriaren 7an, barikua, kanpaiek eta etxafuegoek iragarriko dute Untzillako jaiak hasi direla. Gero, 21:00etan, elkarteko bazkideek eta auzotarrek afaria egingo dute. Afaloste polita izango dute, gainera, Angel Mari Peñagarikano eta Gregorio Mañukorta bertso-lariak lagunduta. Afarira joan nahi duenak bazkide bati esan beharko dio, izena emateko.

ZAPATUAN, ANTZERKIA ETA BOLOAK

Zapatuari dagokionez, 12:00etan, meza esango dute auzoko hildakoen alde eta ondoren trikitila-

riak izango dira. 18:00etan, berriz, Tango taldeak *Brujulo esploratzailea* izeneko antzezlan egingo du. 22:30ean, dantzaldia izango da, Lotxo taldearekin eta bukatzeko, 23:00etan, Murumendiko elkarteak antolatutako bolo txapelketa jokatzeko hasiko dira. Honako sariak prestatu dituzte: lehenengoarendako garaikurra, txapela eta 180 euro; bigarrenarendako garaikurra eta 120 euro; hirugarrenarendako 60 euro; 30 euro laugarrenarendako eta bosgarrenarendako ustegabeko oparia.

DOMEKAN, DANTZAK

Eta bukatzeko, domekan, 12:00etan, meza nagusia esango dute Santa Agedako eta Gargartzako abesbatzak lagunduta. Horren ostean, Lagun Artean taldeak dantza saioa egingo du. Eta 13:00etan, berriz, *Vermouth* dantza izango da, Iñigo Madinabertia aretxabaletarrarekin.